



Broj: 07/2-14-1175/19
Vogošća, 08.07.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 08.07.2019. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU RADNE ODJEĆE ZA POTREBE
UPOSLENIKA OPĆINE VOGOŠĆA**

Član 1.

Ponuda ponuđača "Empress" d.o.o. Zenica, ulica Školska broj 10. Zenica, odabrana je za nabavku radne odjeće za potrebe uposlenika Općine Vogošća, kao prvoplasirana na Rang listi uz primjenu preferencijalnog tretmana domaćeg, sa ponuđenom najnižom cijenom tehnički zadovoljavajuće ponude u iznosu od od 3.778,89 KM bez uračunatog PDV-a, odnosno 4.421,30 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 14.06.2019. godine donio Odluku o pokretanju Otvorenog postupka nabavke radne odjeće za potrebe uposlenika Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 17.06.2019. godine pod brojem: 1353-1-1-129-3-95/19.

Sažetak Obavještenja o nabavci objavljen je u "Službenom glasniku BiH" broj: 42/19 od 21.06.2019. godine.

Tendersku dokumentaciju sa Portala javnih nabavki BiH je preuzelo 15 (petnaest) ponuđača. Krajnji rok za dostavu ponuda bio je 04.07.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 04.07.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07/2-14-1175/19 iz juna 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Empress" d.o.o. Zenica	4.273,00	/	/	4.999,41
2	"Bellissima" d.o.o. Sarajevo	5.069,36	/	/	5.931,15
3	"Willona" d.o.o. Sarajevo	4.190,00	/	/	4.902,30
4	"T&E System" d.o.o. Sarajevo	4.271,78	/	/	4.997,98

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Bellissima" d.o.o. Sarajevo ne ispunjava formalno-pravne uslove tražene Tenderskom dokumentacijom i to:
 - Tačkom 8.1.4.TD je propisano da se Ponuda izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogući naknadno vađenje ili umetanje listova, osim garantnih dokumenata.

Ponuda ponuđača "Bellissima" d.o.o. Sarajevo je uvezana spiralno, što prema mišljenju iznesenom u Rješenju Ureda za razmatranje žalbi BiH-Filijala Mostar broj: JN2-03-07-1-929-8/19 od 23.05.2019. godine ne predstavlja čvrsto uvezivanje, na način da se onemogući naknadno vađenje ili umetanje listova, propisano članom 58. stav 2. Zakona o javnim nabavkama BiH i članom 8. stav 2. Uputstva za pripremu modela tenderske dokumentacije i ponuda, a iz razloga što se pod čvrstim uvezom podrazumjeva ponuda ukoričena u knjigu ili ponuda osigurana jamstvenikom. O naprijed navedenom je također, zauzeo stav i Sud Bosne i Hercegovine u Presudi broj: S1 3 U 021191 16 U od 08.08.2017. godine.

Ponuđač je također postupio suprotno članu 8. stav 6. i 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) kojim je propisano da sve strane ponude moraju biti numerisane na način da je vidljiv redni broj stranice ili lista, a iz razloga što stranice u Ponudi ponuđača "Bellissima" d.o.o. Sarajevo uopšte nisu numerisane.

- Tačkom 7.1.2. TD je zahtjevano da Ponuđač u svrhu dokazivanja lične sposobnosti mora u ponudi dostaviti Izjavu potpisanu od strane ponuđača i ovjerenu i potpisanu od strane nadležnog organa (sud, notar ili općina), ne stariju od 15 (petnaest) dana od dana dostavljanja ponude, u formi koja je prilog-Aneks 3 TD.

Ponuđač "Bellissima" d.o.o. Sarajevo je u svojoj Ponudi dostavio Izjavu potpisanu od strane ponuđača-Aneks 3. TD, međutim na istoj nedostaje ovjera i potpis nadležnog organa (sud, notar ili općina), te je na taj način ponuđač postupio suprotno postavljenom zahtjevu ugovornog organa iz TD.

- Tačkom 7.2.1.TD, a u skladu sa članom 46. Zakona traženo je da ponuđači moraju biti registrovani za obavljanje djelatnosti koja je predmet javne nabavke. U svrhu dokazivanja profesionalne sposobnosti ponuđači su bili dužni u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke, uz napomenu da dokazi koji se dostavljaju moraju biti originali ili ovjerene kopije.

Ponuđač "Bellissima" d.o.o. Sarajevo je propustio da u svojoj Ponudi dostavi traženi dokaz o registraciji u skladu sa tačkom 7.2.1.TD.

- Tačkom 8.2.1. stav 6. TD je zahtjevano da Ponuđač mora u ponudi dostaviti Izjavu u skladu sa članom 52. stav 2. Zakona, sačinjenu i popunjenu u skladu sa šemom koja je data u Aneksu 4. tenderske dokumentacije, potpisanu od strane ponuđača i ovjerenu i potpisanu od strane nadležnog organa (sud, notar ili općina), ne stariju od 15 (petnaest) dana od dana dostavljanja ponude, u formi koja je prilog-Aneks 4 TD.

Ponuđač "Bellissima" d.o.o. Sarajevo je u svojoj Ponudi dostavio Izjavu potpisanu od strane ponuđača-Aneks 4. TD, međutim na istoj nedostaje ovjera i potpis nadležnog organa (sud, notar ili općina), te je na taj način ponuđač postupio suprotno postavljenom zahtjevu ugovornog organa iz TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Willona" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Ugovorni organ je u TD na strani 19. u Napomeni 5. jasno zahtjeva obavezni ručni unos podataka.
Ponuđač "Willona" d.o.o. Sarajevo je u svojoj Ponudi (strana 3. Ponude) Obrazac za cijenu ponude-Aneks 2 popunio elektronski, te je na taj način postupio suprotno jasno postavljenom zahtjevu ugovornog organa iz TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Empress" d.o.o. Zenica i
- "T&E System" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da je ponuđač "Empress" d.o.o. Zenica dostavio Potvrdu Vanjskotrgovinske komore BiH, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 83/16), te će u svrhu poređenja ponuda umanjiti cijene domaćih ponuda za preferencijalni faktor od 5 % za ugovore koji se dodjeljuju u 2019. godini.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o javnoj nabavci roba, najmanje 50% ukupne vrijednosti od ponuđenih roba imaju porijeklo iz BiH.

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 08.07.2019. godine u 9:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 08.07.2019. godine, Komisija za javne nabavke je sačinila sljedeću Rang listu u Otvorenom postupku nabavke radne odjeće za potrebe uposlenika Općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Empress" d.o.o. Zenica	3.778,89*	4.421,30
2	"T&E System" d.o.o. Sarajevo	3.594,00	4.204,98

*Označava cijenu na koju se primjenjuje preferencijalni tretman

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Empress" d.o.o. Zenica, za nabavku radne odjeće za potrebe uposlenika Općine Vogošća, kao prvoplasiranom na Rang listi uz primjenu preferencijalnog tretmana domaćeg, sa ponuđenom najnižom cijenom tehnički zadovoljavajuće ponude u iznosu od 3.778,89 KM bez uračunatog PDV-a, odnosno 4.421,30 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Empress" d.o.o. Zenica
2. "Bellissima" d.o.o. Sarajevo
3. "Willona" d.o.o. Sarajevo
4. "T&E System" d.o.o. Sarajevo
5. Nadležnoj Službi
6. U dosije
7. a/a

info@empress.ba

033/584-194

info@willona.ba

033/205-716

